

Lokisa ditaba tsa hao tsa lekgetho ho netefatsa hore tsohle di tsamaya ha bonolo!

Lekola ditifikeiti tsa hao tsa lekgetho

Netefatsa hore o fumane IRP5/IT3(a)s ya hao mmoho le ditifikeiti tse ding tsa lekgetho tse kang setifikeiti sa kalafo, setifikeiti sa letlole la peho ya meja fatshe mmoho le data ya mokga wa boraro tse amehang ho fumana boitlamo ba hao ba lekgetho. Ebang o so ka o fumana ditifikeiti tsa hao tsa lekgetho, ikopanye le mongamosebetsi wa hao hanghang ho fumana setifikeiti sa kalafo, setifikeiti sa letlole la peho ya meja fatshe mmoho le *data* ya mokga wa boraro ho netefatsa hore o feela a ikobetse ditlhoko tsa hae tsa nyehelo.

Na o lebetse password ya hao?

[Boela o fumana eFiling username ya hao mme o tehe botjha password ya hao](#) ebang o di lebetse. O ka boela o di fumana hape sesebedisweng sa hao sa mohala ka ho sebedisa SARS MobiApp.

Na o na le aterese e ntjha le nomoro e ntjha ya boikopanyi?

Ntjhafatsa lesedi la hao le kang dintlha tsa banka, aterese le dintlha tsa boikopanyi inthaneteng ho eFiling kapa ho SARS MobiApp ka ho tobetsa kgokanyo ya “SARS registered details”.

Hlahlobo ya hanghang (Auto Assessment) – re a o faelela

Ka Phato, re tla hlahloba palo e kgolo ya balefalekgetho hanghang. Ebang o ananela sephetho ha ho hlokehe hore o faele kgutliso hobane re tla be re se re o etseditse seo.

Ebang o hlahlobilwe hanghang, o tla tsebiswa ka SMS ka Phato – mme jwale ha o sa tla hlokeha hore o etele lekala. SMS ena e tla o tataisetsa ho eFiling kapa ho SARS MobiApp ka ho kenya “Accept” kapa “Edit” kgutlisong ya hao.

Ba bang ba balefalekgetho ba ka fumana lesedi lena pele ho la 1 Phato 2020 le hlalose hore ke hobaneng ha ba sa ka ba hlahlojwa hanghang, kapa le ba lemosang ka diphetho tsa dikgutliso tsa bona tsa 2019. Sena se tla ba thusa ho fana ka dikgutliso tse morao. Ka kopo latela lesedi lena mme o fane ka dikgutliso dife kapa dife tse morao kapele ka moo ho kgonehang ka teng ho qoba ditiehisano ho felweng ha kgutliso ya hao ya 2020 mmoho le ho netefatsa hore tsohle di tsamaya ha bonolo monongwaha.

Ebang o sa ingodisetsa eFiling kapa ebang o batla ho rwalla SARS MobiApp, boha divideo tsa rona tse o rutang ka tsena kanaleng ya rona ya SARS YouTube. Tobetsa [mona](#) ho boha video ya ‘How to register for eFiling’, kapa [mona](#) ho boha video ya ‘How to register on the SARS MobiApp’.

Video e mabapi le hlahlobo ya hanghang (auto assessment) e ntse e etswa mme e tla fumaneha haufinyane kanaleng ya SARS YouTube. Dula o behile leihlo leqepheng lena la websaete ho fumana hore e tla fumaneha neng.

Re etsa hlahlobo ena ya hanghang re itshetlehile hodima data eo re e fumanang ho tswa ho beng ba mosebetsi, ditheo tsa ditjhelete, dikema tsa kalafo, batsamaisi ba matlole a peho ya meja fatshe mmoho le banehedo ba *data* ba mokga wa boraro.

Ebang o ananela diphetho tsa hlahlobo ya hanghang mme o na le pusetso, pusetso ena e tla leshwa ke SARS.

Ebang o kolota SARS tjhelete, o ka etsa tefo ho eFiling, ka EFT kapa ka SARS MobiApp ho latela letsatsi le boletsweng Tsebisong ya hao ya Hlahlobo.

Ebang ke sa fumane hlahlobo ya hanghang, ke lokela ho faela neng?

- 1 Loetse – 16 Pudukwana: Balefalekgetho ba faelang ka inthanete ka tsela ya eFiling kapa ka SARS MobiApp
- 1 Loetse – 22 Mphalane: Balefalekgetho ba sa kgoneng ho faela ka mokgwa wa elektronike ba ka etsa [sena feela ka ho etsa tlhophiso ya kopano lekaleng](#).
- 1 Loetse – 29 Pherekong 2021: Balefalekgetho ba nakwana ba faelang ka mokgwa wa eFiling

Dikanale tsa Dijithale

eFiling le SARS MobiApp di o dumella ho buisana le rona ntle le ho ema moleng lekaleng la SARS kapa o ka letsetsa SARS Contact Centre. Ho boha melemo yohle mmoho le ditshebeletso tse ho eFiling le ho SARS MobiApp, tobetsa [mona](#).

Ebe Help-You-eFile ke eng?

Ka tshebediso ya Help-You-eFile ho SARS eFiling, akgente ya SARS e ka o thusa ho tlatsa kgutliso ya hao ebang o sokola. Sena e etswa ka mohala nakong eo o keneng ho eFiling. Akgente e tla kgona ho sheba dikahare le wena mme e o tataise ho fihlella o tlatsa kgutliso ya hao kaofela. Tobetsa [mona](#) ho fumana lesedi le fetang lena.

Se ka tshwara nako e telele - re tla boela re o letsetsa

Ebang o sa kgone ho tshwara mohala nako e telele, tobetsa letshwao la Help-You-eFile mme o kgethe "*Call Me*", kapa o kope tshebeletso ena ho MobiApp. E nngwe ya diakgente tsa rona e tla o letsetsa (sena se fumaneha feela dihoreng tsa tshebetso). SARS Contact Centre (0800 00 7277) e fumaneha matsatsing a beke pakeng tsa 8am le 4pm, e kwetswe ka matsatsi a phomolo le mafelong a beke.

Dikopano tsa makaleng di etswa ho latela ditlhophiso

Re nkile matsapa a hore metjha ya rona e mengata e iketsahalle. Hona ho bolela hore ha o hloke ho etela lekala la SARS ho ya faela kgutliso ya hae. Ebang boemo ba ha ba ditaba e le bo ikgethang mme bo sa kgone ho arabelwa ke metjha ena ya inthanete, o ka etela makala a rona a SARS empa o lokela ho etsa tlhophiso ya kopano inthaneteng pele o tla. Dintlha kaofela di fumaneha websaeteng ya rona mme o ka bala tataiso e reng "[Book an Appointment at a SARS Branch](#)" ho fumana lesedi le fetang lena.

Hlokomela boqhekanyetsi

SARS e keke ya o kopa dintlha tsa hao tsa banka kapa dintlha tsa hao ngollanong efe kapa efe eo o tlang ho e fumana ka lengolo, imeile, mohala kapa SMS. SARS e ke ke ya o romella dihokedi tsa diwebsaete tse ding - le ha e le tsa dibanka. [Boha mehlala ya boqhekanyetsi ba moraorao tjena](#). Re leboha ha o lokisitse ditaba tsa hao tsa lekgetho. Dula o bolokehile.

#DigitalFirst#YourTaxMatters